

VEDTEKTER FOR SKULEFRITIDSORDNINGAR (SFO) I RAUMA KOMMUNE, jf. § 13-7 i opplæringslova.

Vedtatt i K-sak/14

1. Mål og verdigrunnlag

Skulefritidsordninga er eit omsorgs- og aktivitetstilbud utanom den obligatoriske skuledagen for alle elevar i 1.-4. klasse. Barn med særskilte behov kan få eit tilbud om skulefritidsordning t.o.m. 7. klassetrinn.

Tilbudet skal dekkje barna sine behov for leik, kulturaktivitetar og sosial læring. Det skal difor leggjast til rette for variert leik, kultur- og fritidsaktivitetar som skal bidra til ei utvikling av erfaringsgrunnlag, ferdigheiter og kunnskapar på ulike område.

2. Ansvar og myndigheit

Rauma kommune eig og driv skulefritidsordningane i dei kommunale oppvekstsentra.

Einingsleiar har det administrative og pedagogiske ansvaret for ordninga.

Samarbeidsutvalet er styringsorgan for skulefritidsordninga.

Samarbeidsutvalet skal ta stilling til m.a. årsplan, budsjett, rekneskap og lokale vedtekter innanfor rammene som er fastsett i dei kommunale vedtektene.

Skulefritidsordninga skal ha dagleg leiing, og den totale leiingsressursen må vere i samsvar med gjeldande sentral særavtale, jf. SFS 2201.

3. Opningstid

Opningstida er innafor tidsramma 7.00 – 17.00. Samarbeidsutvalet i oppvekstsenteret fastset opningstida innanfor gjeldande tidsramme.

SFO er stengt jul- og nyårsaftan, i romjula, påskeuka og juli. I tillegg er SFO stengt på planleggingsdagar til personalet.

Etter skuleslutt i juni, før skulestart i august og i andre skuleferiar kan SFO-tilbudet samordnast, anten internt med andre delar av oppvekstsenteret (barnehagen) eller med andre oppvekstsenter.

4. Opptak

Rektor/einingsleiar har mynde til å gjere opptak til skulefritidsordninga.

Søknad om opptak til plass i ordninga skal sendast til det enkelte oppvekstsenteret på fastsett søknadsskjema.

Hovudopptak i vårsemesteret har søknadsfrist 1. mai.

Opptaket gjeld for eitt år.

5. Oppseiing

Oppseiing av plass må gjerast skriftleg til skulen med 1 månads varsel, rekna frå den 1. i månaden.

Oppseiing etter 1. mai medfører betalingsansvar ut skuleåret.

6. Betaling

Kommunen fastsett satsar for foreldrebetaling.
Søskenmoderasjon på 25 % f.o.m. barn nr. 2.

- Foreldrebetaling i 10 månader for SFO-tilbud som følgjer skuleåret.
- Foreldrebetaling i 11 månader for SFO-tilbud i tida 1.8.-30.06. (skuleår + skuleferiar).

Betaling skjer for inneverande månad med forfall den 15.

Kommunen krev inn foreldrebetaling for heile månader i samsvar med oversyn frå skulen.
For elevar som blir innmelde etter skulestart, krev ein foreldrebetaling f.o.m. den datoen eleven er innmeld i ordninga.

Foreldre som hentar barn for seint i skulefritidsordninga, vil bli fakturert for tilleggstid. Sats for tilleggstid er sett til kr. 100 for kvart påbegynte kvarter, og faktureringa kjem som tillegg til ordinær foreldrebetaling månaden etter.

Matpengar kjem i tillegg til den faste satsen for foreldrebetaling.

SFO – plassen kan gå tapt ved manglande betaling utover 2 månader.

7. Leike- og opphaldsareal

Areal ute og inne skal vere tilpassa SFO sine aktivitetar.

Kvar skulefritidsordning skal utarbeide ei oversikt som syner kva for inne- og uteareal som kan nyttast til SFO sine aktivitetar.

8. Forsikring

Barna i skulefritidsordninga er forsikra i høve til dei forsikringane som gjeld for elever i grunnskulen i Rauma.

9. Skyss

Transport til og frå skulefritidsordninga er foreldra sitt ansvar.

10. Teieplikt

Alle medlemmer i styrande organ og dei tilsette har teieplikt etter det same reglane som gjeld elles i grunnskule, jf. opplæringslova § 15-1.

11. Godkjenning og endring av vedtektene

Vedtektene og seinare endringar skal godkjennast av det organet som til ei kvar tid har det overordna myndet.

12. Internkontroll og beredskap

Dei kommunale skulefritidsordningane følgjer kommunen sine føringar og pålegg om internkontroll og beredskap.

Einingsleiar er ansvarleg for verksemda og plikter i forhold til forskrift om internkontroll å gjennomføre systematisk oppfølging av gjeldande krav med heimel i bl.a. :

- Forskrift om miljøretta helsevern i barnehage og skole
- Forskrift om sikkerheit ved leikeplassutstyr
- Arbeidsmiljølova
- Brann og eksplosjonvernlovgevinga

Det er utarbeidd et system for helse-, miljø og sikkerheit (HMS) for skulefritidsordninga som vert ajourført jamleg i tråd med Rauma kommune sine rutinar for internkontroll.